



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad
Spiritus Sancti Aduentum & Euangelij promulgationem, complectitur

Puente, Luis de la

Coloniae, Anno M.DC.XII.

Med. 15. De Promiſſione Christi discipulis facta, quòd esset mansurus cum
illis, vsque ad consummationem seculi.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

nec tamen nocet, cum suggestiones quidem & carnis stimulos sentimus, etiam inuiti, non tamen consensum illis præbemus; *super aegrotos manus imponimus & bene habemus*; cum animæ nostræ morbos curamus, eiusque passionibus, exercitatione bonorum operum, penitentibus, & mortificationibus vincimus. Hæc signa sunt eorum, qui credunt ut oportet: quæ tamen non proprio nomine, & virtute præstare possunt, sed nomine & virtute Dei. O Christe potentissime & fidelissime, in te credo & spero, quare tuo nomine hæc mirabilia incipere statuo, confidens tuæ misericordiæ, quod iuxta tua promissa, sis me adiuturus ad executionem,

MEDITATIO XV.

DE SECUNDA CHRISTI
Promissione, manendi cum discipulis usque ad consummationem sæculi.

a Matt. 28
20.

POSTEA, quæ retulimus, adiecit Christus Dominus noster suis discipulis, *ecce ego vobiscum sum omnibus diebus, usque ad consummationem sæculi, quæ promissio omnium est placidissima, & affabilissima, quas fecit suis Apostolis: in cuius singulis ver-*

bi.

*bis, aliquid est valde considerandum, si perpēda-
tur quis ille sit, qui eam facit promissionem; que
illum causa, ad eam faciendam, permoueat;
qua ratione impleat quod promisit; quibus per-
sonis, qua continuatione, & quantatemporis
diuturnitate, hæc enim omnia verbis illis expri-
muntur, quorum primum illud ECCE, inuitat
nos, vt attentius omnia consideremus.*

PUNCTVM I

CONSIDERANDAE ergo sunt primū
causæ, quæ Christum permouerunt, ad
dicendum suis discipulis, se cum illis mansu-
rurū.

PRI MA causa fuit, vt illos cōsolaretur, tri-
stes propter absentia, quā in cælū ascendēs fa-
cere statuerat; imò etiā ob eam, quā faciebat,
dum rarò, & non nisi aliquot diebus interie-
ctis se illis ostendebat, intra quadraginta il-
los dies, quibus in hoc mundo, post suam Re-
surrectionem permansit: atque si diceret:
quamuis ego in cœlum ascendam, & quam-
uis etiam nunc rarò vos visitem; scitote ta-
men, certūque habetote, me vobis inuisibi-
liter adesse, non vos derelinquam orphanos,
absque Patre, & consolatore: nam, esto
corporis oculis me non videatis, adeo
tamen vobis sum præsens, atque si me cer-
neretis.

I.

II. SECUNDA causa fuit, vt illos animaret, ad expeditionem, quam illis committebat, mittens illos in mundum vniuersum prædicare, Baptizare, & prodigia admirabilia edere; certos, ac securos eos faciens, semper se cum illis futurum, & adiuturum: atque si illis diceret: nolite animum abijcere, eò quòd ad tantam expeditionem, impares vos, debilesque putetis; nam ego ipse semper sum vobiscum, vestram imbecillitatem corroborans; & ego sum, qui ea opera sum facturus in vobis, & vos comitaturus, quocunq; iueritis, nec vnquam à vestro latere discessurus.

III. TERTIA causa fuit, vt eos in executione omnium, quæ illis imponebat, redderet attentiores & exactiores: nam scientes, ipsum sibi esse præsentem, & aspicientem, quomodo in suo munere se gererent, hæc inquam cogitatio, & memoria, magis sollicitos, ac diligentes eos redderet, vt ea non solum absq; defectibus, & imperfectionibus, sed etiam cum omni perfectione, quam possent adhibere, præstarent; tanquam qui in conspectu eos aspicientis Magistri, ac Domini sui, cui placere contenderent, versarentur.

HAS tres causas & rationes, mihi ipsi applicabo, cogitans, (sicut re ipsa ita est) Christum Dominum propter illas mihi dicere: *Ecce ego tecum sum*, tibi præsens, tanquam consolator & auxiliator; tanquam testis eorum, quæ facis: quapropter nunquam me obliuiscitor, sed recordator, me tecum sem-

per esse in tuis ærumnis, vt te consolet; in tuis officijs & ministerijs, vt te adiuuem; & in omnibus tuis operibus, vt te iudicem, & præmium reddam. O Dulcissime Domine, si tu mecū es, quid mihi deesse potest! O Deus inuisibilis, concede mihi ita viuere, atque si te semper præsentem cernerē. Ne me derelinquas orphanū, qui Pater meus es; nec desolatū, qui meus es Paracletus; assiste semper mihi, siquidem nosti me sine te nihil, tecum autem omnia posse; & aduertente me, quod me aspicias, excitabitur torpor meus, hac tuâ præsentia.

PUNCTVM II.

DEINDE consideranda præstantia huius promissionis, quæ tribus illis verbis *ego vobiscum sum*, continetur.

PERPENDAM igitur Primò, quis ille est, qui dicit EGO. non enim dicit, sicut Moysi, *a ego mittam Angelum meum, qui præcedat te, & custodiat in via: & introducet te ad Amorrhæum & Hethæum &c.* sed EGO ipse (ait) vobiscum sum; & comitabor in vestra hac expeditione, & custodiam, & introducam in terram Gentium. EGO, Deus omnipotens, infinitus, & æternus, *b cuius voluntati non est qui possit resistere.* EGO vester Saluator, qui Dæmonem vici, infernum spoliaui, & regnum peccati, mortisq; Tyrannidē destruxi.

I.

*a Exod. 23
20. & 32. 34*

b Ester. 13. 9

EGO, cui data est omnis potestas in caelo, & in terra, vos mitto in mundū, sicut misit me Pater assistēs vobis, sicut Pater ipse mihi assistit, EGO Magister vester, & protector vester, cuius potestatem, liberalitatem, & amorem experti estis, sumque ille idem, qui antea ego sum vobiscum, vester socius indiuiduus, licet inuisibilis, qui antea fuit corporalis, & visibilis.

II.

CUM AVTEM dicit, VOBISCUM SUM, omnes modos complectitur, quibus esse potest cum illis:

PRIMVS quidem communis est creaturis omnibus, quibus est praesentissimus, dans illis esse, vitam, & morum, quem habent.

SECUNDVS est communis omnibus iustis; in quibus est per suam gratiam, dans illis vitam supernaturalem, & virtutes. TERTIVS est specialis valde electorum, cum quibus particulari providentia manens, curam illorum gerit, res magnas, & admirandas per eos faciens. QUARTVS est per sanctissimum altaris Sacramentum, in quo verè & realiter est, & quā Deus, & quā homo, ut sit noster cibus, & nutrimentum spirituale. Omnibus his modis est Christus Dominus noster in sua Ecclesia: eius curam gerens, & gubernans sicut Rex in suo regno, gubernator in navibus, Pater familias in domo sua, & Magister in sua schola: & hoc rotū promittit Christus, cū dicit *ego vobiscum sum*, vobiscum scilicet, qui vni-

uerfa-

uerſalem meam Eccleſiam repræſentatis; vobiscum, qui mei eſtis dilecti diſcipuli, & cum omnibus illis, qui vos imitabuntur, & ſequentur. Gracias tibi, dulciſſime Ieſu, pro liberali adedò, & magnificâ promiſſione, quam tuæ facis Eccleſiæ, tuæque ſcholæ diſcipulis. Felices illi, quibus iucundis adedò modis tuæ præſentię ades. Utinam ſemper hoc modo eſſes mecum, que & ego eſſem tecum, tibi ſeruiens, teque amans in æternum. Amen.

PUNCTVM III.

PERPENDINGA Tertiò eſt continuatio & duratio huius præſentię, quæ verbis illis, *omnibus diebus, vſque ad conſummationem ſæculi*, declaratur. Chriſtus itaque Dominus noſter, eſt nobiſcum, non ita interpolatis diebus, vno ſcilicet die veniens, altero non veniens; ſed *omnibus diebus*, omnibus horis, & momentis diei, nec limitato tempore mille, aut duorum millium annorum, ſed vſque ad finem ſæculi: quo verbo etiam nos reddit ſecuros, quòd eius Eccleſia, ſit ad finem vſque mundi duratura, & porrò etiã eius Leges, Sacramenta, & Sacrificia; ideoq; & hodie nobiſcum eſſe, & craſtino etiam futurũ, vſq; ad diẽ nouiſſimũ; & hoc ſæculo finito, etiam erit cũ ſuis excellentiori modo, qui per totam durabit æternitatem. Pro his omnibus gratias huic Domino agam, ſupplexque orabo, vt me

par-

S. Aug. in
Manu. c. 29
S. Bern. de
interio. do-
mo c. 9.

participem faciant huius gratiæ, manendi
mecum omni tempore, & omni loco, nec vel
ad momentum, se à me separandi, vsque ad fi-
nem vitæ; statuam verò nec recedere ab ipso,
nec eius obliuisci, quantum mihi possibile
fuerit, memor illius, quòd Sanctus Augu-
stinus dixit: *sicut nullum est momentum, quo homo
non fruatur, vel ut atur pietate Diuina, sic nul-
lum debet esse momentum, quo eum præsentem
non habeat in memoria.* Aequum est, Deus
meus, ut siquidem tu semper es mecum, ha-
besque me præsentem coram te; ego etiã
sum tecum, habeamque præsentem, & coram
me: sed quoniam hoc excedit meam imbecil-
litatem, concede mihi gratia tua quod deside-
ro, qua etiã facile mihi reddetur, quod sine
illa facere nequeo.

MEDITATIO XVI.

DE VARIIS APPARITIONIBUS
nibus à Christo Domino suis disci-
pulis intra quadraginta illos dies
ante Ascensionem factis, ac de mo-
do, & ratione, qua Spiritualiter
animas visitat, quæ ratio his
Apparitionibus desi-
gnatur.

a Actuum
1. 3.

PRÆTER APPARITIONES prædictas
certum est plures alias fuisse, ut colligitur ex
ijs, quæ Sanctus Lucas refert, cum dicit: quod suis
discipu-